

Arizmendiarrietaren pentsamendua eraldaketa sozialera eta ordena gizatiarrago bat ezartzera bideratuta dago, eta erailtzen dituen kontzeptuak dira erreforma, sustapena, iraultza... Azken hori, iraultza, hautatu ditugun eta jarraian aurkeztuko ditugun gogoetetan agertzen da:

Ideala, zalantzarik gabe, handia da, mugarik gabea; ideia benetan iraultzailea. Mundu berri bat sortzen ari da, gaur egun gizarte berri, justuago eta gizatiarrago baterantz jotzen da argi eta garbi, eta joera horretan kooperatibistok oso rol garrantzitsua dugu jokatzeko. C21-1962/05

Lanean oinarritutako iraultza behar dugu, ez mitoetan oinarritutakoa; batasuna lortu behar dugu, egian oinarrituta, eta inoiz ez gezurrean, hipokresian eta errakuntzan oinarrituta. Kontsumitzen duen kontsumo gizartea" eta antzeko korronteei, zeinek ongizate material huts batekin droga gaitzaketen, pertsona gauza gisa kotizatzen delarik, eta ez pertsona gisa, mugimendu kooperatiboak erantzun egiten die, gure artean, pertsona gisa parte hartzeko eta jarduteko deia eginez eta lagunduz. Eta pertsona garen aldetik, gure ekimena eta erantzukizuna azaleraziz, gure sormen gaitasuna, lehen sormen eta lan zelula edo organismotik abiatuta, hau da, enpresatik abiatuta. Horrela, ekonomia eraldatzeko jarrera berri bat piztu ahal izango dugu, eta ordena sozio-ekonomiko berri bat sortu, pertsonaren duintasunarekin eta giza komunitateen eskakizunekin koherentea izango dena. p381

Erabat ados gaude Mounier kristau pentsalari argiaren formulazio iraultzailearekin: "Iraultza ekonomikoa morala izango da edo ez da izango: iraultza morala ekonomikoa izango da edo ez da izango". TU 76 - 1966/12

Iraultzari, gaur egun, parte hartzea deitzen zaio. p362

Arizmendiarrietaren zuhur agertzen da "iraultza" terminoa erabiltzean; nahiago du "eboluzioa", "sustapena" eta "eraikuntza" aipatu, eta halaxe ageri da gogoeta hauetan:

Iraultzat hartzen badira elkarlana eta komunitate hobea egiteko ahalegin komun bat babestea, iraultzaileak garela aldarrikatu behar dugu. Baina ekintza eraldatzaile orotan pentsatu behar da zer sakrifikatzen den eta zer ziurtatzen den. Finean, iraultza baten justifikazioa GIZA SUSTAPENARI egiazki egiten dion ekarpenaren eta ORDENA HOBEA EZARTZEAREN arabera izango da. Iraultza eta sustapena ez dira bi alternatiba; aldiz, pertsonen eta gizartearen sustapena, horren aukera edo eraginkortasuna, iraultza gisa onartu nahi denaren irizpidetzat eta neurritzat hartu behar da. TU 60 1965/08

ERAIKUNTZA hitza azpimarratu nahi dugu, izan ere, gure iritziz, edonola ere asmo iraultzaile onak baztertu gabe, aitortuz gehiago dagoela egiteko dagoeneko eginda dagoena baino, begi-bistakoa eta bidezkoa da arreta guk egin dezakegunerantz polarizatzea, eta geuk aldatzea, denbora eta esfortzuak aurrezteko eraldaketa sozial eta ekonomikorako ahaleginetan. Konplexurik gabe egien dugu gure Tanakaren maxima:

*"Ez dugu hobeto lan egiteko bizi behar, hobeto bizitzeko lan egin behar dugu".
TU 156 1973/11*

Eta gizarteak eskatzen dituen bilakaera mailekin bat datorren mailarik ez izatearen arriskua nabarmentzen du:

Iraultza ezin saihestuzkoa da prozesua galarazi denean eta eboluzioa geldiarazi denean. Erreforma premiazkoa da gauzen garapena gaurkotzeko behar den prozesua eguneratzea, pixka bat bada ere, deskuidatu egin denean. p365

Iraultzaren eta indarkeriaren oihartzunak biziagotu egin dira arlo guztietan, baina hori, zalantza barik, eboluzio eta eraldaketa prozesuek gizakiak asebetetzen ez dituztelako da. p366